

太平园旧叙（伦公序）

夫天之生物也，始于一本，一本而散为万珠，万珠而归于一本，独人乎哉？鸟兽草木皆然也。螟蛉之似我，形声之似也，其本则非也；花木之相接，枝叶之似也，其本则非也。本之一者，天也；歧而二之者，人也。以人而二乎天，则悖理伤化莫大焉。今夫父子祖孙一气也，所贵有后者，非以遗体之所属乎？为其子者，尸而祝之于庙，燔而祭之于野，不忘其本也。我朝重熙累洽，圣君贤相，相与移风易俗，天下蒸蒸日进于古治。士大夫讲其谱学，犹有忘其一本者乎？先王立宗法以广其仁，太宗统百世，百世宗之；小宗统五世，五世宗之。有无相通，患难相恤，礼俗相先，虽千万人犹一人之身，而民焉有不为仁者呼？此先王之法，所以不可废也。宗法废而民俗偷。今日之人心夫，岂异于三代之人心哉？因教之无道、统之无法耳。

是故吾谭之蕃于茶也，非一日矣，不可不知其所由哉！我鼻祖荣禄大夫可奕公配李氏夫人，生男守禄于唐武宗会昌四年甲子。及携子守禄来茶时，则咸通十四年癸巳也。考翁为幽

州大将军谭忠之裔，宦居河南，今河南谭家河故址犹存。由河南宦居金陵太平路当涂县贵游乡，递至翁仕唐宣议郎。因懿宗咸通元年庚辰十二月，江南人事多乖，天道不顺，雪深七尺，斗米三贯、黎庶僵仆而毙者甚众，六畜冻死无余、城市乡井房屋悉皆倾颓、山禽野兽靡有子遗、五谷菽麦不能成种，尔时，无贵无贱皆不能安其故土；有老弱因而冻死，少壮因而离散，庄佃俱各游离，乡村城市所在官司不加忧恤，苛政医创，割肉不能自存，翁有乱邦不居之意，遂由金陵携子守禄徒江西吉州太和县高行乡二十七都早禾市乌龙山石壁渡下居焉。咸通十四年癸巳，因此地不宜，父子迁徙湖南茶陵军州旧称十五都地名邓塘居焉。时已致仕有年矣。禄祖配邹氏夫人子一，于僖宗乾符二年乙未生男武兴，中和二年壬寅八月十三，公孙由邓塘复迁饶溪十三都，地名蕉坑即太平园。于是唐宦居湘，积厚流光，夫荣妻贵，福寿全归。本邑后以兴祖为巨户，管纳税钱叁千七百贯，盖最等也。以创居太平园时，得古窑无数，日富陶朱，桂馥兰馨。兴祖配夫人徐氏子三，昭宗乾宁三年丙辰生男进峰，乳名文洪，字希峻，号仰轩。四年丁巳生仲男进鸿，乳名文道，字希仪，号云达。光化二年己未生季男进颇，乳名文雍，字希廉，号古塘，又曰东溪。

哀帝天佑四年丁卯，朱温篡位，国号大梁，是为五代。梁太祖改元开平元年，封湖南武安军节度使马殷为楚王。时天下分裂，各霸一方，称王称帝者，不可胜纪。梁仅偏安，马王殷亦遂割据潭州，尽有湖南之地，遣使征九路良材壮士，以辅其国。峰兄弟器宇魁梧，才德超群，文武全备，名闻于上，郡守具奏楚王。乾化三年癸酉三月，遣使至茶，见峰言貌异众，惊骇不置，问兄弟几人，答曰：『弟鸿、弟颇，尤有足观者』。使愈喜，复命楚王。四月征祖三公入朝。王见峰身躯长六尺，重厚过人，赐管五库；鸿才德兼备，赐统兵司马；颇时十五岁耳，其身长六尺五寸，眉清目秀，尤奇伟雄，赐典属国左殿将军。历五、七月，摄政勤谨，屡试克胜，勋在王室，藏于盟府，敕峰朝议大夫，仍管帑藏，后封端洁公。授鸿司马朝奉大夫，颇武功大夫，金吾左殿镇国上将军，诰赠三代。而兴祖痛念可突公避地播迁之苦，积德累仁之厚，未及身享子孙之报，愿辞己所得封诰命。三子陈情于王，同追封曾祖以遂孝衷，王允其请，厚崇追封，故亦祖得累赠至荣禄大夫，禄祖止奉训大夫，兴祖止嘉议大夫。

时楚王就长沙府开福寺建天策府，纳诸学士，谈笑樽俎，吟咏终日。有江处士诗曰：药灵丸不大，棋妙子无多。峰兄弟相谓：『诗固佳，且通于治兵之道矣』。三公生平之善于军旅可知。南唐天成二年丁亥八月终楚始建国，及长兴元年庚寅十一月楚王殷薨，子希声嗣位。

先是峰兄弟諫王宜尽事大之礼，以保境息民，不徒在国制自雄也。王果遣命除建国之制，复藩镇之旧。唐主以希声为武安静江节度使。三年壬辰，希声卒，希范立，奢淫无度，处士戴偃作渔父诗讽之，范致之死。峰祖属所厚麾下将士。丁思颢上书諫王气度不广，王削其官，峰兄弟力救之不获。心知国事日非，隐忧于中，虽范与颇同庚生，时加眷注，然是时六军逃遁而国不可为矣。迨至清泰三年丙申班师回朝。后晋高祖即位，改天福元年。于天福八年癸卯三月，颇接家书，报父丧母病，泪如雨下，上书乞归治丧。王不允，颇谓曰：『国步孔艰，又丁此家难，及今若不归，父丧不能致其哀，母病不能致其养，异日有何面目见先人于地下乎！』遂浩然拂袖归。有司具奏谓王，恤四方之危急，得豪杰为不易，进颇擅离军次，罪同叛逆，请王必讨之。峰单骑夜遁，谓颇曰：奈何，王师至矣，吾属立为齑粉。颇曰：生以忠死以孝，吾何憾焉！于是啮指滴血，上书陈情，明无叛意。未得报，遂自刎。王至云阳之墟，涿水之滨，即今第一都金筑城是也。王初见颇书甚喜，俄闻自杀大流涕，谓诸将曰：丧我股肱！遂班师。然已削三公之爵矣。

盖三公在朝三十年，为国靖草寇，则耀兵威，锄强以御暴；奉命征苗裔，则竖铜柱分界以纪功。而善御士卒，师旅经过之处无扰，加意梓里，利害兴除之事尤多，谚云：好个兄弟

三将军。尝欲迎养兴祖，祖辞以诗曰：儿辈临戎日较多，同衙亦奈别亲何。儿忠凡事吾心喜，何用班衣膝下拖。后汉乾佑元年戊申，希范卒，希广立，改元开运。元年甲辰，李璟取建州，二年乙巳取吉州，四年丁未吴越取福州。周隐帝即位，改广顺，元年辛亥，楚王希广之兄希萼杀希广而自立南唐，回京师湖南，国势危矣。希广、希萼攻夺而无宁岁。后世宗即位，改元显德元年甲辰，以至建隆元年庚申太祖受禅即位，是为大宋矣。

余祖三公自天福八年退朝治丧祭拜之，以礼扶朝、以法治苗，尽忠竭孝，先后感世，各升神祚。楚王追念前勋，复职加谥，奉赐御祭御葬。而地方以其曾御大灾，捍大患，功德不可泯，争建祠祀之，庙立饶溪，曰神仙岭，助国佑民，宇宙名彰。远者勿论，近者而攸邑、酃县，又近而茶之南庄垅上，更近而茶之饶溪、神山岭，子孙弥远而祀，威灵赫奕，亘古至今。非我三公实有所以系属人心者，何克臻此？

当时太平园遗下亲属奴婢五百名，自天福六年辛丑家罹疫疾，丧失亲属二十八名，奴婢六十余名。而产业概管茶陵、湘潭、湘阴、攸州、竹园、黄花庄、常宁、南木山等处，仍通该税钱三千七百贯，庄田壹千四百户。

三公官高爵显，名成利就，位下子孙由太平园前后相继分居二十四处，富者益富，贵者益显。如端洁公派则梓塘、南岸、罗家冲、长汾、莲荷塘、黄花庄、椒溪、白象冲、竹园山、清水、严塘、淘江、酃县是也。司马大夫公派则周陂、邓塘、太亨、石井是也。金吾将军公派则神山岭、大傅、洮江、茶城下市、甘塘、杉园、湘阴、湘潭、昭港、常宁南木山是也。

如朝议大夫进峰公原配麻氏，诰赠夫人，继配王氏，诰赠淑人；子九：长子宏俭，字泰山，号材松，行一郎，居酃县罗家冲，夫人马氏，派下未祥；次子宏赛，字嵩山，号南金，行二郎，居衡山罗家冲，夫人陈氏，子一仁本，派下未祥；三子宏仁，字名山，号奉康，行三郎，居南岸，夫人张氏，派下未祥；四子宏福，字添山，号奉堂，行四郎，居樟塘，夫人刘氏，派下未祥；五子宏亮，字昆山，号熙载，行十一郎，后唐庄宗同光二年甲申生，居茶江严塘，宋鸿臚寺少卿，夫人李氏，子一仁京，继述于后；六子宏秀，字仑山，号万载，行十三郎，居湘潭白家冲，宋翰林第，官礼部侍郎内阁中书兼太子太傅，夫人雷氏，子三：仁浩、仁程、仁善，派下未祥；七子宏智，字静山，号泰安，官名镇圭，行十五郎，居西乡莲塘，宋四川眉州知州，元配曾氏，诰赠淑人，子一仁裔，继配刘氏，子二全湘、全文；八子

宏政，字时山，行十六郎，居酃县豪侠，夫人段氏，派下未祥；九子宏韬，字汶山，行十七郎，居焦坑太平园，夫人赵氏，派下未祥。

如司马朝奉大夫进鸿公，元配夫人李氏，子四，继配左氏，诰赠宜人。元配长子宏义，字严山，行五郎，居茶陵周陂甘塘，夫人陈氏，派下未祥；次子宏德，字崇山，行六郎，居衷乡太亨，夫人张氏，派下未祥；三子宏崇，字勋山，行八郎，居衷乡石井，夫人周氏，派下未祥；四子宏广，字华山，行九郎，居火田邓塘，夫人刘氏，派下未祥。

如官任武功大夫进颇公，元配左氏，诰赠宜人，继配麻氏，诰赠孺人，续娶曾氏夫人，子五，长子宏肇，字桂山，行七郎，居饶水神仙岭，后迁酃县，夫人张氏，派下未祥；次子宏益，字文山，行十郎，居湘潭昭港，夫人龙氏，子二，仁广、全播，派下未祥；三子宏妙，字寿山，名丙，行十二郎，后唐同光四年丙戌生，居杉园下市街，后迁湘乡东风一都东岸坪落业卜居，官封员外郎，夫人周氏，子二，全福，世居上湘房祖，全禄，世居中湘施家坪房祖；四子宏伸，字恒山，号惠明，行十四郎，居太傅毗塘，官任兵部侍郎，夫人陈氏，子四，继配曾氏，诰封宜人，元配长子全仁，全信、全学、全忠，派下未祥；五子宏佐，字梅山，

行十八郎，居淘江，后迁常宁南木山，夫人段氏，派下未祥。三进以上均照老谱，下十八宏各祥支谱。

余祖仁京，字克己，自南宋乾德四年丙戌生，本系朝议大夫进峰之孙，宏亮之子，祖居严塘，后迁竹园，遂为竹园支祖，钦赐进士，官至紫光禄大夫礼部尚书左仆射上国柱，薨葬云阳，夫人余氏，诰封安乐县君，子二，于至道三年丁酉生长子彬公，字文科，乾兴间科发进士弟，仕至谏议大夫，派下未祥；咸平四年辛丑生次子格公，字文质，亦登进士，仕授中奉大夫，官任横州知州别驾，夫人陈氏，子八，自宋天圣六年戊辰生长子宜公，派下未祥；明道二年癸酉生次子定公，派下未祥；景祐四年丁丑生三子安公，续述于后；康定元年庚辰生四子定宁公，派下未祥；庆历三年癸未生五子宠公，派下未祥；七年丁亥生六子宝公，派下未祥；皇祐三年丁卯生七子宽公，派下未祥；至和二年乙未生八子容公，派下未祥。兄弟皆荣，俱任显秩。三子安公，字元泰，由竹园徙居清水，遂为清水支祖，官至太常博士，后任静州司户，夫人刘氏，子一，铎公，自宋熙宁四年辛亥生，世居清水，夫人刘氏，子四，绍圣元年甲戌生长子黎公，派下未祥；四年丁丑生次子应公，派下未祥；元符三年庚辰生三子徽公，派下未祥；崇宁三年甲申生四子黎公，夫人李氏，子五，宣和元年己亥生长子赴萬，

派下未祥；四年寅壬生次子赴蕩，派下未祥；靖康元年丙午生三子赴薨，派下未祥；绍兴元年辛亥生四子赴薨，续述于后；四年生五子赴芟，派下未祥。四子赴薨，字仁夫，绍兴间科发进士弟，仕至司空相国，敕封延平将士郎，夫人李氏，诰封安乐县君，子三，自宋绍兴十八年戊辰生长子德裔，续述于后；二十一年辛未生次子德褒，派下未祥；二十六年丙子生三子德裘，派下未祥。长子德裔，字紫蕃，世居清水，官任大理寺丞，夫人陈氏，诰封富昌朝君，子八：自南宋隆兴元年癸未生长子巽公，庆元间科发进士，奉训大夫，派下未祥；乾道三年丁亥生次子共公，亦登进士，谏议大夫，派下未祥，七年辛亥生三子寅公，居清水，邑文庠生，派下未祥；淳熙元年甲午生四子巽公，续述于后；四年丁酉生五子冀公，居清水，举孝谦，派下未祥；七年庚子生六子翼公，居清水，嘉定间进士，朝议大夫，派下未祥；十一年甲辰生七子拱公，居清水，亦登进士，嘉议大夫，派下未祥；十六年己酉生八子黄公，居清水，邑文庠补禀拔贡，派下未祥。四子巽公，字仲恭，科登进士，官任太常博士骑都尉朝奉郎升紫光禄大夫，夫人陈氏，子二，自宋绍熙元年庚戌生长子综公，任殿中丞知贵州事，别居池州，派下未祥；五年甲寅生次子伦公，字献夫，世居清水，绍定间科发进士，任大理寺中丞，配赵氏诰封一品夫人，子三，政道、政通、政达，另叙。

于迁湘始祖可亦公开派三进十八宏，里人呼曰十八谭，幸诗书不误人，人不误诗书，勉强撑家声，滥推宦族。凡我十八户中，感祖泽之灵，长惧祇承之或，懈不敢与凡茶之同姓者淆其昭穆，以袭我太平园之支派。且所谓太平园者，在饶溪、神山岭之近地，初无此名，我鼻祖追念先世固金陵太平路人也，迁徙屡易，未有宁宇，迨择至饶溪所居，卜之叶吉，爰命名曰太平园，示不忘其本云尔。徐氏夫人墓，即逼近园右。今予父子叔侄昆弟，幸叨祖庇，同登进士，窃禄位。予常承父兄家训，每以谱牒未修，则世系不明，世德不彰，实所疚心，故乞老归，仿苏明允之微意，举我支族谱考订修葺之，循流穷源，本诸祖传，征诸文献，据实书之，以彰祖功宗德，垂于奕祀，俾世世不昧其所自，即以为十八户之公序可也。

我严溪一支，族之有贵而有贱，家之有富而有贫，人之有贤而有愚，此其常也。先王之立宗法，惟非其种者，则锄而去之，若同于一本，虽属疏远，犹将收之，何所论于富贵贫贱智愚乎。予斯役也，亦犹行先王之法也。先王之法，行于一家则一家仁矣；行于一国则一国仁矣；行于天下则天下之人无不仁矣。天下者家之积也，张子曰：纵不能行于天下，犹可验之于乡。愚姑于一家验之。

茶陵老谱为： 宋绍兴元年辛亥（1131）

网上为： 宋绍兴四年甲寅（1134）

宏公谱为： 宋绍圣元年甲戌（1094）

上湘横塘谱为： 宋绍定元年丁亥（1227）

※关于时间问题：

网上载谭伦为政和五年（1115）进士，以网上为准来推算：

假如25岁左右中进士，那么，应是出生在1090年左右。

谱上说：予常承父兄家训，每以谱牒未修，则世系不明，世德不彰，实所疚心，故乞老归，仿苏明允之微意，举我支族谱考订修葺之。老归至少也要50-55岁左右，则作序时应在1140-1145年左右，而上述四个年限中哪个最接近？

茶陵老谱为： 宋绍兴元年辛亥（1131）年龄41岁。

网上为： 宋绍兴四年甲寅（1134）年龄45岁。

宏妙公谱为： 宋绍圣元年甲戌（1094）年龄5岁

上湘横塘谱为： 宋绍定元年丁亥（1227） 年龄137岁

由此得出结论： 作谱时间应为： 宋绍兴四年甲寅（1134） 年龄45岁。

摘自《湖南茶陵谭氏十八宏首修通谱》

湘潭谭氏源流编纂委员会